



Tužilaštvo - Tužiteljstvo Bosne i Hercegovine
Тужилаштво Босне и Херцеговине

BROJ: T20 0 KTA 0027191 25
Sarajevo, 09.07.2025. godine

Na osnovu člana 35. stav 2. tačke e) i člana 216. stav 3. ZKP-a BiH, izdajem:

N A R E D B U
o nesprovođenju istrage

Postupajući po prijavi zaprimljenoj dana 02.07.2025. godine na info adresu Tužilaštva Bosne i Hercegovine sa email adrese ... od lica u potpisu „(...)“, kojim isti prijavljuje lice C. P. zvanog M. iz B., jer iz prijave i pratećih spisa proizilazi da nema osnova sumnje da je počinjeno krivično djelo Izazivanje nacionalne, rasne i vjerske mržnje, razdora ili netrpeljivosti iz člana 145a. Krivičnog zakona BiH ili koje drugo krivično djelo iz Krivičnog zakona BiH.

O b r a z l o ž e n j e

Dana 02.07.2025. godine zaprimljen je podnesak-prijava na info adresu Tužilaštva BiH putem maila od lica u potpisu „(...)“ protiv P. C. zvanog M. iz B.

U prijavi je navedeno da P.C. ... na Facebook profilu širi mržnju prema Bošnjacima, organizuje sastanke, vodi Udruženje „ (...)“ koje je vršilo agresiju na BiH i poziva agresore da „brane svetinju.“

Iz oficijelne objave P.C. proizilazi da Udruženje „(...)“ njeguje tradicije jedinice „ (...)“, bori se za prava boraca, porodica poginulih boraca i svih građana Republike Srpske i da neće dozvoliti da se njihova borba zaboravi. Kao predstavnici boračkih udruženja u potpunosti podržavaju uvođenje dopunskog sastava MUP-a RS. Činjenica je da Federacija BiH sa kantonalnim MUP-ovima ima duplo više policajaca, a pokriva istu teritoriju kao i MUP Republike Srpske smatraju navedenu odluku opravdanom. Migranti i elementarne nepogode i drugi bezbjednosni problemi su razlog ovakve odluke vlasti Republike Srpske i u potpunosti je podržavaju. Smatraju da će uvođenjem dopunskog sastava MUP-a Republike Srpske biti povećana bezbjednost građana i institucionalni kapaciteti za složene poslove i zadatke.

Nakon uvida u prijavu i prateće spise proizilazi da nema osnova sumnje da je počinjeno krivično djelo Izazivanje nacionalne, rasne i vjerske mržnje, razdora ili netrpeljivosti iz člana 145a. KZ BiH ili koje drugo krivično djelo iz KZ BiH.

Naime, krivično djelo Izazivanje nacionalne, rasne i vjerske mržnje, razdora i netrpeljivosti iz člana 145a. stav BiH čini onaj ko javno izaziva ili raspiruje nacionalnu, rasnu ili vjersku mržnju, razdor ili netrpeljivost među konstitutivnim narodima i ostalima, kao i drugima koji žive ili borave u Bosni i Hercegovini, U konkretnom slučaju ne postoji javno izazivanje ili raspirivanje mržnje, jer je riječ o iznošenju ličnog mišljenja pojedinca u vezi osnivanja rezervnog sastava policije u MUP-u Republike Srpske..

Imajući u vidu sve navedeno Tužilaštvo BiH je u skladu sa članom 216. stav 3. Zakona o krivičnom postupku BiH odlučilo kao u dispozitivu naredbe.

Tužilaštvo će u smislu člana 216. stav 4. ZKP-a u roku od tri dana od donošenja odluke obavjestiti podnosioca prijave koji ima pravo podnijeti pritužbu u roku od osam dana od dana prijema obavjesti Uredu tužioca.

T U Ž I L A C
TUŽILAŠTVA – TUŽITELJSTVA BiH